

欽定剿平粵匪方略

欽定剿平粵匪方略卷三百四十五 癸亥年

五月十三日 戊午 官文蔚樹森奏言查李雲麟於

四月十五日接到家信親母王氏病故例應奔
喪回旗合無仰懇

聖恩俯准給假兩月回旗治喪出自

鴻慈其所部一軍現飭歐陽正塘就近兼統第陝南
警報頻來必須另撥一軍前往控制現飭駐防

鄖陽之道員梁作楫督率所部剋日馳赴興安
扼要堅守俟李雲麟入陝後再行拔回鄖陽此
時該軍赴陝兵力較單且與川軍氣誼未孚以
之扼守興安則可以之進規漢南則力有不足
須俟李雲麟假滿到營方可會合川陝各軍痛
殲巨寇相應請

旨飭下總管內務府大臣於該員到旗後催令趕緊

料理葬事迅速回營務於七月十五日以前到
鄂率師赴陝俾梁作楫一軍回顧鄂邊庶於兩
省防勦事宜均有裨益奏入

上命議政王軍機大臣傳諭官文略秉章嚴樹森曰
陝南軍務孔亟李雲麟丁憂一時不克赴陝官文
等調往興安之梁作楫一軍亦祇能擇要扼守未
能進規漢南且李雲麟已有援陝之命恐漢中軍

士聞信後毛震壽呼應不靈前據駱秉章奏調張
由庚朱桂秋等軍馳援漢郡計期應抵陝境所有
漢南各營卽著駱秉章傳諭張由庚暫行統率俟
李雲麟假滿抵陝後仍歸該京堂節制以一事權
梁作楫業已拔營前進卽著官文嚴樹森迅飭梁
作楫扼守興安並會合張由庚等軍籌商進取毋
得專待李雲麟致令事機鬆懈李雲麟部勇旣據

官文飭令歐陽正墉兼統卽著責成該員妥爲彈壓前因李桓患病請假諭令將該藩司所募勇丁交李雲麟帶赴漢中剿賊現在李雲麟回鄂需時此項勇丁自應暫緩前進如李桓病已痊愈仍著該藩司督率所部星馳赴陝並著該大臣妥籌辦理

上諭內閣曰候補四品京堂李雲麟現丁母憂著自

聞計之日起賞假兩箇月回旗治喪假滿後卽
回營督軍馳赴漢中辦理勦匪事宜

十四日己未沈葆楨奏冒逆匪右敵饒州左窺景

鎮其中路思由昌江偷渡以撼樂平迨見我軍
水陸聯絡復由景鎮上達祁門中閒無事防之
兵河淺灘高礮船未能上駛石太羣逆以數隊
出沒夥界牽掣劉典一軍以萬餘人從桃樹嶺

漆嶺分道潛趨掩我不備初七日已及閃上勒
市一帶道員段起檄繼果營進擊而以祥字營
爲之後援十三日賊進踞包家墩次日王沐抵
張村塢派隊由蛟潭潛伏而進至烏坡頭慮賊
抄後伏兵深林飭王萼等分路夾擊匪衆翻山
而逃墮崖死者無數我師馳抵包家墩該逆不
料官軍驟至拌死抵禦王沐令各勇環放排槍

三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

殪賊百餘名賊退安甯王沐從中路鼓譟直前
賊且卻且拒我兵極力衝突生擒百餘名解散
五六百名據賊供僞天侯鄧天福鄧天豫均殞
於陣查繼果一軍自皖回江喘息未定復挫兇
鋒於江皖大局實有裨益

沈葆楨又奏言查韓進春擊賊於土塘殺賊數
十名進紮小港賊斂歸陶家渡河北與該軍隔

河相持其後股紛竄彭澤湖口都昌離城各二
三十里不等知縣趙宗耀督團力拒督臣曾國
藩檄道員李榕統東字營從東流援之不日可
到湖口又聞提督江忠義一軍已抵長沙臣咨
令取道袁瑞由九江徑趨湖口甘肅臬司劉于
澍親督水師到饒席寶田一軍從撫州前進浙
江臬司劉典亦拔隊來援計端節以前皆入饒

集賢堂
三
五
境臣通飭各營悉聽劉典調度剋日廓清郿境以援都湖不得互相觀望奏入

上命議政王軍機大臣傳諭沈葆楨曰逆匪從桃樹嶺漆嶺潛趨閃上勒市一帶進踞包家堰經王沐進剿獲勝賊竄嶺外洵足大挫兇鋒惟該逆紛至沓來刻思上竄該撫奏稱劉典拔隊來援不日可入饒境著卽檄飭各營將弁悉聽劉典調度廓清

鄱境次第由都昌湖口節節掃蕩期與曾國藩派出之李榕一軍前後夾攻俾該逆竄遁無路前已有旨令江忠義由長沙進援江西計期應抵江境著沈葆楨飛催前進會同席寶田援師齊抵饒防以厚兵力

十五日

庚申

都興阿富明阿奏言查逆匪糾合捻

匪竄擾天六等處意在勾結南岸各匪同時並

舉據吳全美稟稱下游君山之賊直撲黃田港口總兵李起高督船開礮斃賊數十名賊始敗遁二十五日李起高等復督勇擊倒守卡賊匪數十名燒燬卡房一所賊匪墮巖死者甚多副將張茂清在黃泥庵地方將賊土壘踏毀殺斃妻逆二十餘名忽見逆匪蠡擁前來我軍誘至江濱葦中伏兵突起追殺里許賊各梟水逃竄

刀过血过不沾刀回

見中關賊船紛紛北渡督船駛至中流開礮打
沈賊船兩隻餘匪轉棹回竄梁正源卽帶勇撓
擊該逆紛紛投水又奪獲賊船二隻二十九日
瓜埠賊衆出港紛竄揮令各船迎剿砍殺長髮
多名新洲圩舊灘汊河內賊船游弋並有紅旗
賊隊數百人搖旗吶喊梁正源復分路兜抄該
逆蒼黃奔竄各勇乘勝追擊斃賊數十名奪獲

划船二隻仍一面飭令吳全美在下游魏村等處督飭水師堵剿以防該逆偷渡五月初一日金家集逆匪由白廟通江集卸甲店一帶回竄浦口九汊洲臣富明阿督隊馳至新城等處查探賊股已至浦口離儀邑甚遠其回竄九汊洲之賊復竄汊河集王家渡新集一帶據總兵黃開榜稟稱逆股竄踞楊村地方在泥湖搶擄民

船拆去民房木料紮搭木簾千總楊德山從泥湖後路進軍殺賊多名守備謝國恩施放火彈登時燒著賊船傷斃老賊數十名餘賊棄筏而逃謝國恩等當時會合大殺斃賊百餘名並將生擒老賊十餘名正法黃開榜又馳抵天長之護城橋地方派令遊擊陳浚家繞抵狀元圩之北突圍入城與副將陳文勝兩面夾擊先解北

門之圍龔云福等分帶陸隊迎擊陳浚家等各帶礮船進勦馳至狀元圩地方該逆已將河口填塞我軍將河口掘開而髮逆大股竄至參將黃國銳等分投迎敵斃賊甚多陳文勝亦由城內調出勇隊夾擊該逆潰敗我軍追至三汊河該逆負嵎死拒黃國銳首先攻入賊營當將該逆營壘踏毀殺斃甚多餘賊竄向天長西南十

八里集而去刻下天長西北兩門重圍已解仍飭在事將士隨時嚴防以杜竄擾

都興阿富明阿又奏言據總兵泊承陞稟稱有人自江陰城中逃出見江陰送溧陽侍賊密書知有曾授偽職瞬天侯黃姓本在常熟投誠現在江北水營暗約侍逆令其假扮難民或五六人或三四人一起由各口陸續渡江臣等正以

江陰縣知縣沈方煦妄欲體恤南岸難民擅稟
吳棠弛禁江防准其渡江各節貽誤事機當添
派參將胡世英等馳抵江干會同孫文友嚴密
稽查並暗備隊伍防範飛咨喬松年轉飭各屬
團練認真巡防又派副將刁經明等連夜趕赴
下游會同吳全美密查黃姓嚴拏務獲惟事關
軍務大局知縣沈方煦稟請江防弛禁並不通

報大營相應請

旨飭下喬松年嚴查彙辦以重軍務奏入

上命議政王軍機大臣傳諭都興阿富明阿吳棠曰
金家集一帶賊匪已有回竄浦口九洑洲之意著
都興阿等督飭水陸諸軍嚴密防範毋令東竄揚
城其在盱眙一帶築壘及竄踞楊村攻撲天長各
賊均經黃開榜等會剿疊勝並解天長西北兩門

重圍仍著都興阿等會同吳棠督軍掃蕩毋任紛
竄江陰賊匪屢有扮作難民渡江北擾之說都興
阿等現飭水陸防兵嚴查並密查賊首黃姓務獲
所辦甚是逆匪窺伺裏下河已非一日現當江防
喫緊豈得任令南岸奸民紛紛北渡著吳棠嚴飭
北岸地方官認真盤查並將續來難民一體禁渡
儻漫不經心致令奸宄潛跡貽誤事機恐吳棠不

能當此重咎也辦理荒謬之江陰縣知縣沈方煦
著都興阿富明阿吳棠會同查明嚴參以儆玩泄

十七日壬戌吳棠奏冒查天長爲清淮南路屏蔽

髮逆屢撲城垣堵剿萬緊黃開榜督隊擊退伍
子胥廟踞賊復探得天長之護城橋紮有賊營
阻扼城中運糧水路黃開榜當令礮船進擊適
遊擊龔文林水師亦到礮斃髮逆甚夥立將賊

營平毀天長守將陳文勝又與黃開榜內外夾
擊攻克三汊河逆圩天長西北兩面重圍均解
餘賊退至天長城東南築壘屯糧計圖持久黃
開榜又飭水陸各隊向天長城東進剿五月初
五日該逆糾衆萬餘來撲襲云福等與賊相持
未下嗣經礮船駛至轟斃逆衆多名守備楊長
林等帶隊繞至賊後奮力衝擊該匪兩面受敵

紛紛敗退官軍追至天長城下該逆向城南遁
去立解天長城圍計生擒髮逆百餘名臣現仍
飭黃開榜嚴扼天長湖河各要隘不敢稍涉大
意奏入

上命議政王軍機大臣傳諭吳棠曰現在天長之圍
雖解而賊蹤尙未遠遁仍著吳棠飭令黃開榜嚴
扼天長湖河各要隘探明賊在何處督同龔云福

等軍實力勦除毋留餘孽

十八日癸亥左宗棠奏言據探聽逆糾集各股竄

踞觀音山板橋一帶進紮山口距新城僅三十

餘里四月初一日魏喻義會同賴錫光等進勦

遇賊大至官軍槍礮環擊斃賊數百名賊死拒

不退魏喻義分軍由小路抄之自率親兵與賴

錫光等所部殲其先鋒賊目數名賊始奔潰各

營乘勝緊逼斃賊千餘生擒百餘名僞朝將汪
逆復分路擾至永昌時山霧漫空魏喻義且戰
且退至城東收隊入城逆賊躡蹤而至賴錫光
等督隊由南門出擊賊勢稍卻蔣益澧卽遣提
督高連陞復率數營馳援自率親兵督之令熊
建益回防新橋之賊初三日高連陞馳抵新城
之南臣飭楊昌濬率十營往援亦陸續行抵桐

廬賊見援軍大至向臨安一路奔竄高連陞亦
僅斬其尾賊數十名而還是日新橋之賊見官
軍方援新城忽出賊分路來犯熊建益督隊迎
擊斃賊甚多賊遂入壘熊建益率親兵踰濠而
進直薄賊壘忽被賊施放火器洞穿小腹殞命
賊亦不敢復出初六日僞聽王各逆至洪莊上
陳泗洲庵等處布陣數十里誓破新橋官軍營

壘次日該逆徑撲王東林等營官軍列隊仰攻立斬悍賊十餘名高連陞分軍埋伏自率親兵嚴陣以待俟賊撲近伏兵左右抄擊共斃賊四五百名陣斬僞朝將李逆等三十餘名生擒賊十名賊爲槍礮轟傷者殆以千計而逆賊抄襲富陽官軍後路之計始沮先是水師副將楊政謨都司羅啟勇各率所部師船沿江駛抵牯口

遇賊船百餘艘當與上游戰艇開礮夾擊逆賊
紛紛逃潰楊政謨等登岸追殺直抵杭州望江
門外踏毀賊壘一座殺賊數百名焚燒賊船數
十隻杭州踞逆大震屢呼聽逆及汪逆回援該
逆等知官軍後路嚴密無隙可乘又杭城之賊
呼援甚急遂潛竄回杭勢甚窮蹙總兵熊建益
中藏捐軀深堪憫惻合無仰懇

天恩飭部照總兵陣亡例從優議卹

予諡並於富陽縣建立專祠守備劉立號同時陣亡
並請

旨從優賜卹

左宗棠又奏冒查耆齡所部兵勇原有四枝現
均無員統帶彰武一軍係耆齡舊部尙留浦城
從前援浙兵勇人數共二萬數千陸續裁撤現

存者不過三千餘員名就中如南康勇穴雜尤
甚尙應裁撤而彰武軍之千餘人准著齡緘稱
商帶赴閩臣已諾之是援浙一軍贍存不過八
千餘人而粵勇中之桀驁難馴及患病求歸者
臣接辦後亦須汰遣其援浙統領秦如虎現署
提督接帶之總兵樂清等不爲士心所附臣前
咨督臣仍歸秦如虎調遣林文察所部台勇業

經前督臣撤遣綜計統領之僅存者惟康國器一員而已閩粵各營勢均力敵材質亦不相上下就中推擇統領苟非其人無以服衆若別由外營派委統領彼此不相服習此酌量遣撤非難而另派統領之尤宜慎密也至浦城地勢在閩省固爲衝要以近日局勢言之賊蹤擾及饒境是浮景爲門庭而廣信爲堂與浦城又在江

山玉山廣豐之後相距甚遙不必以重兵屯於
閒散之地惟閩省轉輸入浙舍舟而陸必須問
途於此當暫以偏師駐之奏入

上命議政王軍機大臣傳諭左宗棠曰此次賊犯新
城思襲富陽後路雖經官軍擊退而劉典王文瑞
兩軍尙須駐皖蔣益澧全軍力攻富陽其餘各營
分撥上下游防剿兵力實不爲厚是克復杭州尙

難剋期而待左宗棠現擬將新隸閩軍力圖整飭相機進剿亦是因時制宜之法卽著將閩省營兵分別去留認真訓練俾成勁旅仍一面於閩粵營官中慎選統領之員派令分營管帶庶將識士心士識將意可收餉節兵精之效至浦城地勢旣無須重兵屯駐卽由左宗棠酌派一軍駐之以護運道

上諭內閣曰此次官軍截勦富陽新城援賊疊獲勝
仗卽著左宗棠督率在事員弁兵勇迅克富陽進
規杭州毋稍遲誤記名總兵熊建益中礮捐軀深
堪憫惻著交部照總兵陣亡例從優議卹加恩予
諡並於富陽縣建立專祠守備劉立號力戰陣亡
著一併交部從優議卹

同日前署安徽巡撫李續宜奏言臣臥病湘鄉

迄今四十餘日乃蒙

皇上天恩宥臣遲延之罪開臣皖撫之缺體恤下情
無微不至詎四月以來病勢日增咳嗽不絕於
口吐痰咯血諸證不時舉發肌肉頓形消瘦咽
喉疼痛非常凡屬問疾人來罔弗見之流涕頃
接曾國藩來函知湖北業已蕝事六安解圍後
忠會因漏軍克復太倉回救蘇州曾國藩現檄

鮑超等規復巢含南岸之微數將次肅清左宗
棠又調劉典回援景鎮曾國藩復派李榕由東
建進紮祁門軍事日見平穩臣病十分危劇可
否籲懇

恩施賞假四個月俾臣回里調養或一二月內可以
強支卽當速赴皖省軍營與疾討賊斷不以假
期未滿稍涉拘泥奏入

上命議政王軍機大臣傳諭李續宜曰該前撫臥病
湘鄉迄今四十餘日醫藥尙未見效著賞假四箇
月回籍安心調理惟刻下江北下游喫緊逆匪又
圍攻蒙城唐訓方漸有不支之勢亟盼該前撫赴
皖督辦儘回里之後病勢漸輕仍當趕緊就道不
必拘泥假期是爲至要

同日瑛榮奏言漢中被圍日久情形危急石逆

中旗現將由川入陝陝省兵力實不能支四川
道員張由庚總兵周達武旣在廣元與其停兵
坐視何如出境救援以勦爲防於川省未嘗無
益否則漢南一有疏虞則秦蜀兩省皆不可問
不得不籲懇

天恩飭下川省援師迅卽入漢會同現有兵勇將此
股髮逆早日殄除以保危局又據毛震壽探報

石逆中旗由川西竄至平武之喬莊急欲取道
甘肅文縣繞出漢南若再添此一股則大局更
不能支惟有仰懇

皇上催調援兵迅速赴漢不勝急切屏營之至

瑛棨又奏言頃接官文嚴樹森來咨因漢南軍
務喫緊飭催郎中李雲麟一軍由鄖襄一帶入
陝駐紮興安並遣道員梁作楫一軍駐紮鄖陽

以爲李雲麟後路接應現在漢中喫緊毛震壽
獨力難支又添石逆大股大局深慮決裂興安
距漢中尙有六百餘里之遙鄖陽尤遠設有危
急輟長莫及伏懇

皇上飭下官文等速飭李雲麟梁作楫馳援漢中迅
解城圍於大局實有神益奏入

上命議政王軍機大臣傳諭官文駱秉章嚴樹森曰

前因李雲麟回旗穿孝不克赴陝諭令駱秉章迅飭張由庚等馳赴陝南援剿茲據瑛瑛奏稱張由庚現在駐軍廣元去陝不遠著駱秉章飛飭該道員等星速赴援石逆中旗現在竄至平武之喬莊勢將取道甘肅文縣繞出漢南並著駱秉章飭令張由庚相機迎擊毋令石逆餘黨與漢南髮逆勾結爲患梁作楨計已行抵興安著官文等嚴飭該

員認真扼守並酌度情形移師漢郡與川省官兵
會同勦辦李桓患病曾否就痊如一時不克西行
卽著官文嚴樹森選派得力員弁將李桓所募勇
丁帶赴陝南勦賊嚴樹森前有赴下游察看營壘
由襄樊西上之奏此時皖北髮逆東趨鮑超等跟
蹤追躡擒匪已回竄豫境楚北防務稍鬆嚴樹森
現在駐紮何處著與官文妥速籌商如能由襄樊

徑赴鄆西俾梁作楫進剿漢中逆匪庶於秦楚兩
省邊防均有裨益仍著官文嚴樹森斟酌辦理

二十日

乙丑

曾國藩彭玉麟奏言查銅城牐旣克

蕭慶衍劉連捷兩軍拔赴望城岡未及下寨賊
卽擁衆過河成發翔俟賊半渡令各水營抄過
賊後賊方逡巡卻顧我舟師已橫截圩中萬礮
齊轟斷其歸路成發翔等又分勇登陸四出痛

勦賊酋蕭主將梟悍絕倫左營裨將李宏試縛而斬之羣賊奪氣我軍水陸交攻襲破二卡一壘壘中壘外積尸若阜罕有脫者望城岡旣紮定則巢縣之南賊無竄路陸師可薄城而營水師亦可繞湖而陣四月二十一日彭毓橘等軍卽移偪城根列隊挑戰賊矢石交下我軍且卻且前相持竟日二更後水師環隄猛擊悉焚湖

中賊划毀其浮橋劉連捷亦自河南飛騎馳至
共破審廟沿河六石壘賊向東門進城曾泗
美喻俊明卽追入東門成發翔等從南門攻入
適鮑超亦派數營自廬郡西來遂克巢縣二十
三日鮑超由柘皋督軍出清溪鎮擊賊勝之略
地而東蕭慶衍截尾賊於林臺圩旋合劉連捷
彭毓橘等營渡河前進於二十四日與鮑超會

師含山賊已宵遁鮑超等以賊去未遠星夜往襲和州比入州境但見賊旗靡亂不絕於道水師成發翔約泊鹹魚背之楊占黿駛入和州港內城賊逃遁不及半聚壘中鮑超蕭慶衍與水師環壘急攻賊出壘乞降盡釋脅從者而斬其頭目以徇各軍整隊入城含山和州同時克復從此進取江浦九洑洲或可翦其枝葉圖拔金

陵此次副將成發翔功績最偉應如何優加獎勵之處恭候

聖裁其山力陣亡文武員弁謹分別開列懇請獎卹
曾國藩又奏言查雨花臺石城據險雄峙屏蔽
城垣守賊衆而且悍四月二十七日曾國荃督
飭各軍先將聚寶門外四面石壘攻拔卽緊偪
石城東草填濠架梯欲上賊燃礮外擊趙三元

率中軍親兵從礮臺下蟻附而升李臣典等各率部卒從中右兩路肉薄齊登維時敵樓火發賊方爭相奔救我軍已奪僞城一座餘賊棄壘竄遁蕭孚泗等縱軍圍剿將賊追徧長干橋蹙入水者無數曾國荃以雨花臺地段遼闊近接城闔賊必與我爭此要害乃抽四營駐守石城增修六壘以接各舊營之氣並調集後路各營

以待城賊復出大股潛匿附郭屋舍中以誘敵
各軍俟賊少懈突出奮擊賊乃負創入城共計
俘執二百餘名殲戮近六千人此次尤爲出力
之總兵李臣典等謹先行開列奏請獎敘其餘
出力人員可否附於巢含和案內容臣開單保
奏出自

天恩陣亡各員弁查明另案請卹

曾國藩又奏言查南岸曾國荃一軍自克雨花臺石城及南門外各壘後防兵愈單抽調金柱關守兵千人移紮金陵又調回彭毓橘一軍回顧老營仍留劉連捷步隊楊鎮南馬隊隨同鮑超進攻江浦九洑洲等處其蕪湖金柱關甯國灣沚西河東西梁山青陽南陵池州一帶節節布置均尙穩固五月初三日太平石埭之賊分

竄茂林涇縣守將易開俊督隊迎勦殲斃盈千
其竄江西之黃汶金等股在鄱陽浮梁境內屢
爲官軍所敗現在斜趨都昌湖口等屬李榕一
軍破賊於彭澤之項家山進援湖口綜計饒州
九江各屬水路有劉于潯孫昌國左光培丁義
方等營陸路有段起李榕席寶田王沐韓進春
等營而劉典又自徽州赴饒江忠義亦由湖南

赴潯水陸兵力會萃數萬當可驅賊出境不致
深入腹地奏入

上命議政王軍機大臣傳諭曾國藩都興阿富明阿
曾國荃曰巢縣克復之後連復含山和州收回要
地卽可進取江浦九洑洲以翦賊之枝葉圖拔金
陵雨花臺及金陵南門外各石壘之賊踞險負隅
復經曾國荃力戰下之不特可分蘇杭賊勢卽金

陵賊巢勢亦日蹙氣機甚好卽著曾國藩曾國荃督飭鮑超蕭慶衍等軍於南北兩岸相機進取和含之賊殲渠釋從是否尙有餘匪潛往他處抑卽向江浦九洑洲等處竄逃江北裏下河一帶久爲賊所垂涎此時南北兩軍勦賊均正得手尤恐敗殘餘黨欲向裏下河等處就食著都興阿富汗阿隨時督率各軍嚴密巡防忠逆李秀城現在何處

是否卽在金陵城內其回援蘇州及直犯裏下河
均不可不嚴爲之備如果江浦九洲卽能攻克
則賊衆渡江之路可期斷絕而金陵益成檻阱之
勢諒不難悉數殲除也

上諭內閣曰官軍連克含山和州兩城出力之副將
成發翔業經簡放巴里坤鎮總兵仍著以提督提
奏道員彭毓橘著賞給卓勇巴圖魯名號提督蕭

慶衍著賞給提督應得封典總兵張錦芳著賞給
威勇巴圖魯名號副將李宏試著賞給靖勇巴圖
魯名號副將會泗美著交軍機處記名遇有總兵
缺出請旨簡放副將劉長槐朱吉玉趙太和均著
交軍機處記名遇有總兵缺出請旨簡放並賞加
提督銜副將唐敏義著賞加總兵銜其餘出力人
員准其擇尤酌保陣亡之參將陳邦榮楊繼隆傅

堂春遊擊鄭楨祥劉春福都司丁文彬守備張彪
外委屈傳芝顏隆許李連勝及因傷身故之副將
黃福田遊擊潘宏勝均著交部分別從優議卹

上又諭內閣曰官軍攻拔兩花臺僞城及聚寶門外
諸石壘所有戰功卓著之總兵李臣典著交軍機
處記名遇有提督缺出請旨簡放總兵晏澧遇著
遇有總兵缺出提奏並賞加提督銜副將趙三元

武交清趙清河何玉貴黃東南伍維壽均著交軍
機處記名遇有總兵缺出請旨簡放其餘出力人
員著曾國藩查明彙案請獎陣亡各員弁著一併
查明請卹

同日前兩廣總督勞崇光奏言臣行抵黔境據
知縣于鍾岳稟稱長髮逆匪自雲南昭通府竄
至貴州黔西轉竄桐梓經總兵沈宏富擊敗竄

至該縣黃泥港地方距大道不遠臣卽馳抵旺
草接報賊匪已竄至毛鴉鋪相離祇二十餘里
臣率親兵入寨傳見團首千總彭佑芝飭令飛
傳附近團丁益以臣部親兵共六百餘名當卽
部勒整齊嚴密布置旋據獲賊供稱賊首李陳
周三姓皆係石逆餘黨匪衆約三四萬人分三
起行走次日賊果遙擁而至我軍施放槍礮轟

斃數百人該逆敗退臣飭諸軍開壁追剿又殺賊數百人因人少不敢深入遂札總兵沈宏富知府樊希棣各帶勇練前來合剿十二日隊目石得勝帶領兵勇趕到據稱沈宏富親督大隊二千餘人樊希棣帶勇二百餘人已抵大關田興恕亦由遵義率親兵一千餘人同來會剿臣卽飭各軍分道並進田興恕與沈宏富身先士

卒匹馬衝鋒樊希棟在後督催各勇齊心奮擊
追殺二十餘里殺賊四五千人生擒五百餘人
餘匪四散紛竄追至合面山諸軍飢疲已甚收
隊至旺草軍營據稱該匪收合餘燼屯聚南坪
一帶查該處可由正安州竄蜀之彭水涪州可
由婺川縣竄蜀之酉陽秀山田興恕係奉

旨赴四川差遣之員正可跟蹤追剿無論賊竄川省

何處卽追至何處免致逆氛又在蜀境蔓延卽
可順道前赴成都聽候督臣略秉章調遣臣現
於沈宏富部下分撥千人親督前進若中途遇
匪卽竭力轉戰而前以冀早達省城此次各弁
勇團練以少敵衆著有微勞可否准其擇尤請
獎出自

逾格恩施奏入

上命議政王軍機大臣傳諭勞崇光曰勞崇光折入
黔境爲右逆餘黨阻遏該督倉卒召募分投部勒
遂能以少擊衆殺賊四五千人實堪嘉許此股竄
匪現經田興恕沈宏富等擊敗屯聚南坪一帶復
欲由黔竄蜀正宜乘勝跟追亟圖殲滅田興恕係
奉旨查辦之員該督卽將該革員調回毋庸飭赴
川省其南坪髮逆著調派得力官兵實力追剿就

地殲除毋任竄逸

上諭內閣曰此次官軍山川入黔中途擊敗髮逆勦辦甚爲得手仍著勞崇光督飭帶兵員弁實力跟追所有出力弁勇團練著該督擇尤請獎

欽定剿平粵匪方略卷三百四十六 癸亥年

五月二十四日己巳官文奏言查李桓病難速痊

疊接陝南警報亟須派兵前往現經臣由湖北糧臺籌撥餉銀軍火器械令李桓原派營官總兵蔣運喜等管帶義勝兩營勇丁一千餘名即日馳赴興安暫歸駐軍興郡之道員梁作楫統率相機進剿仍飛催李桓趕緊調治力疾西征

楚省苦無統師大員現計李雲麟由鄂起程已
到直隸永平府本旗相應仰懇

天恩飭下總管內務府大臣嚴催李雲麟於到旗後
不得拘泥假限迅速回營率隊西上庶於陝南
軍事有裨奏入

上命議政王軍機大臣傳諭官文曰李桓病難速痊
而陝省軍務喫緊官文將李桓所部勇丁已令原

派營官帶赴興安暫歸道員梁作楫統率著卽飭
令梁作楫相機調遣併力進剿李雲麟經此次飭
催亦必當奮發忠義墨經赴軍惟計行抵陝南尙
需時日李桓如能速痊仍著官文飭催赴陝

上諭內閣曰候補四品京堂李雲麟前經降旨自聞
訃之日起賞假兩箇月回旗治喪現在陝南軍務
緊要該員計已到旗遠道奔喪孝思已展著總管

內務府大臣卽行飭催該員於到旗後趕緊將喪
務料理不必拘泥假限迅速馳赴陝南督辦軍務
同日曾國藩李鴻章奏旨查江蘇蘇松太浮賦
上溯之則比元多三倍比宋多七倍旁證之則
比毗連之常州多三倍比同省之鎮江等府多
四五倍比他省多一二十倍不等其弊由於沿
襲前代官田租額而賦額遂不平也宋時籍蔡

京韓侂冑等莊爲官田又買似道廣公田元代
續加官田明初平張士誠又沒入諸豪族田皆
據租籍收糧嘉靖中復令各州縣盡括境內官
田民田分攤定額長洲縣官田最多故額最重
他縣他郡官田遞少故額遞輕今長洲等縣每
畝科平米三斗七升以次不等折實粳米多者
幾及三斗少者一斗五六升遠過律載官田之

數此蘇松太重賦之源流也我

朝承平日久海內殷富爲曠古所罕有故乾隆中
年以後辦全漕者數十年無他民富故也至道
光癸未大水元氣頓耗然猶勉強支吾者十年
迨癸巳大水而後無歲不荒無縣不緩以

國家蠲減曠典遂爲年例部臣職在守法自宜堅
持不減之名疆臣職在安民不得不爲暗減之

術始行之者前督臣陶澍前撫臣林則徐揣其
意必謂減額則永不能加災緩則後不爲例原
冀民氣漸甦無難復舊初不意年復一年且年
甚一年而不可返也又官墊民欠一款其所謂
墊者豈州縣之果能墊哉不過移雜墊正移緩
墊急移新墊舊移銀墊米以官中之錢完官中
之糧將來或豁免或攤賠同歸無著猶之未完

也故歷年糧冊必除去墊欠虛數方得徵收實數以此數民固未嘗完也伏查蘇屬全漕一百六十萬厥後積漸減損今試以道光十一年起至咸豐十年止三十年中運數分計之辛卯以後十年共一千三百餘萬內除官墊民欠得正額之七八成辛丑以後十年共九百餘萬內除官墊民欠得正額之五六成咸豐辛亥以後十

年共七百餘萬內除官墊民欠得正額之四成而已自粵逆竄陷蘇常焚燒殺掠慘不可言臣鴻章親歷新復各州縣向時著名市鎮全成焦土連阡累陌一片荆榛凡田一年不耕便爲荒田今已三年矣各廳縣冊報拋荒者居三分之二雖窮鄉僻壤亦復人煙寥落遇有居民無不鵠面鳩形奄奄待斃已復之松太如此未復之

蘇州可知而欲責以重賦責以數倍他處之重
賦亦無骨可敲無髓可吸矣臣等細覈歷年糧
數咸豐十年中百萬以上者僅一年八十萬以
上者六年而皆有官墊民欠十餘萬在其中是
最多之年民完實數不過九十萬成案如是民
力如是大難之餘催科尤形棘手又查順治八
年三月奉

上諭凡故明仇怨地方或一處加糧甚重我朝並無仇怨何可踵行此等情由詳察具奏雍正三年三月十

九日怡親王奏請酌減蘇松浮糧奉

旨蘇松之浮糧當日部臣從未陳奏常塵

皇考聖懷屢欲施恩議減今怡親王等悉心籌畫斟酌奏請朕體

皇考愛民寬賦之盛心准將蘇州府額徵銀蠲免三十

萬兩松江府十五萬兩乾隆二年奉

上諭江省糧額尙有浮多之處著再加恩免徵銀二十萬兩部文照雍正三年例辦理仰准

列祖

列宗當東南全盛之時猶復

軫念民依如此其深且厚況今日之兵燹才遺流離瑣尾至於此極漕糧爲惟正之供而蘇松獨曰浮

糧曰浮賦見諸

列聖諭旨及郡縣志書不以爲嫌是知實有浮多應減之處留以待我

皇太后

皇上行之者也惟有籲懇

聖恩鑒察特沛

殊恩俯准減定蘇松太三屬糧額由臣等督飭司道

設局分別查明各州縣情形以咸豐中較多之
七年爲準折衷定數總期與舊額本輕毋庸議
減之常鎮二屬通融覈計仍將每年起運交倉
漕白正耗米一百萬石以下九十萬石以上著
爲定額卽以此後開徵之年爲始永遠遵行不
准更有墊完民欠名目似此覈實辦理不特酌
十年二十年之通相較固無所紂卽酌三十年

之通相去亦不甚遠至官墊民欠本屬弊政必
宜永遠禁止又嗣後非大旱大水實在荒歉者
不准捏災著爲令伏願

皇太后

皇上俯念蘇松各屬爲十八省未有之重賦非他處
被陷州縣可比又爲數百年未有之大難非歷
年被災例案可比去無益之空籍求有著之實

徵民生幸甚

國計幸甚如蒙

俞允俟蘇屬肅清一體辦理先自松太創行由臣等
設局擬定章程以昭覈實

曾國藩李鴻章又奏言查蘇松漕糧積弊視他
省爲甚其最不公平者莫如大小戶之分蓋州
縣徵收錢糧皆有折色平餘世家大族卽以正

供定額與州縣相持於是一切攤之民戶惟所
誅求漫無限制因有大小戶之名一以貴賤強
弱定錢糧收數之多寡推原其故皆由錢糧額
徵過重激成大戶把持而迫州縣剝削小民積
習相沿竟無善全之術目下當以覈減浮糧爲
理漕之綱以辦理均賦爲治漕之用除去大小
戶名目使州縣不得意爲高下而後浮收之弊

乃可次第清釐臣查錢糧浮收自嘉慶以後漸次加增其時州縣之殷富已漸不如從前而浮收反爲重者則以彌補州縣虧空定爲攤賠之例挪東掩西弊端百出一切取償於錢糧各管上司知其弊而無能禁制又運糧之旗丁收漕之倉書互相需索年甚一年其始因浮收而有浮費其後浮費日增浮收亦遂習爲固然日求

取盈無上下相恤之意故臣以爲蘇松漕糧覈減後必以革除大小戶名目爲清釐浮收之原以裁減陋規爲禁止浮收之委如蒙

天恩俯准將蘇松浮糧酌中定額臣卽督飭司道等設局清查隨各州縣風土人情之宜明立章程酌定折價紳衿平民一例完納永遠革除大小戶名目不使州縣陵虐小民敢爲箕斂而不顧

亦不使各項陋規因苦州縣迫使病民而不辭
奏入

上諭內閣曰據曾國藩李鴻章奏江蘇松江府及太
倉州地方百姓被賊踐虐爲數百年來所未有各
廳州縣田畝拋荒雖窮鄉僻壤亦復人煙寥落連
阡累陌一片荆榛居民窮困情形有不能殫述者
覽奏曷勝憫惻因思蘇松太三屬地方爲東南財

賦之區繁庶甲於天下而賦額亦爲天下最重比
諸他省有多至一二十倍者良由沿襲前代官田
租額且自宋明兩代籍沒諸田皆據租籍收糧所
致嘉靖中又令各州縣盡括境內官田民田分攤
定額蘇松等屬田賦至比官田通額亦皆大有增
加我朝順治年閒卽經明奉

聖諭以故明仇怨地方加糧甚重我朝何可踵行飭由

地方詳察具奏嗣於雍正乾隆年間疊奉

恩旨以蘇松浮糧施恩議減並將蘇松額徵銀兩及江
省糧額浮多之處分別蠲免仰見我

祖宗軫念民艱至深且厚國家承平百餘年來海內殷
富江蘇自乾隆閒辦理全漕者數十年固由民力
之充亦屬民心之厚及道光年閒兩次大水以後
各州縣每歲荒歉加恩蠲減遂成年例嗣是每年

徵收之數內除官墊民欠率得正額之七八成或
四五六成不等民力殆已難堪及至粵逆竄陷該
省焚燒殺掠民盡倒懸幸上年官軍克復松江本
年克復太倉現飭統兵大臣等進取蘇州救吾民
於水火若不將各該府州屬數百年來浮糧積弊
仰體

列聖深仁厚澤大爲覈減無論民力斷有不堪卽勉強

減成輸納亦非培養黎元之道且令官紳胥吏徒營中飽尤爲弊之甚者亟宜因此時會痛加埽除所有蘇州松江太倉三府州屬糧額著兩江總督曾國藩江蘇巡撫李鴻章督飭司道設局查明折衷議減總期與舊額本輕毋庸議減之常州鎮江二屬通融覈計著爲定額先自松太創行卽以此後開徵之年爲始永遠遵行不准再有墊完民欠

名目蘇州所屬俟肅清後一體辦理嗣後非大水旱成災實在荒歉者並不准請緩請蠲至蘇松清弊尤莫如大小戶等名目紳戶把持州縣浮收種種弊竇皆出其中著卽永遠禁革所有一切辦理章程及應行裁革之浮收陋規包戶等積弊均著該督撫悉心妥籌詳細具奏務期上紓國用下恤民生變通盡利經久可行用副朝廷痼瘼在抱嘉

惠斯民至意

曾國藩又奏言現在髮捻紛乘苗練復叛軍情
反覆祇貽

宵旰之憂每與臣弟國荃寓書儆惕本年二月至兩
花臺大營與臣弟共處八日慨兵事之方殷感
主恩之極渥中夜奮興互相誠勉臣弟前擢藩司已
叨非分今又特沛

恩綸授以開府之榮專其治軍之責聞

命而後已聞兼旬與臣弟兩次函商欲固辭則頗涉
矯情欲受事則不自量力惟有顚懇

天恩收回

成命俯准臣弟以開缺藩司效力行閒與臣熟籌戰
守或者以勤補拙以恐致福迅克堅城殄除醜
類稍答

高厚鴻慈於萬一

李鴻章又奏言查蘇常杭嘉爲東南財賦最盛之區逆衆占踞四年派糧收稅取精用宏且時以財粟接濟金陵轉輸各路金陵是其老巢而蘇常杭嘉又爲金陵根本賊必死守力爭以護寇糧此其可慮者一也江南多水蘇嘉各郡尤甚湖河蕩港千百通聯津路迷離橋梁斷續戰

船有不能徧及之處陸軍有望洋而歎之時我
難進而賊易守不比中原四戰之地山川瘠苦
之邦克一名城則各城之賊望風而走前此常
熟解圍太崑壘克蘇嘉之賊亦未嘗不膽寒然
猶死力抗拒蓋恃地勢之險足以自固又念貨
財之厚不肯遽棄臣由松滬進兵若蘇嘉並圖
則無此兵力舍嘉圖蘇則動輒牽掣此其可慮

者二也僞忠王李秀城爲諸賊之冠踞有蘇杭嘉湖四郡之地其餘各僞王皆其死黨咸豐十年圖解金陵圍困繞竄浙江十一年圖救安慶繞竄江西湖北去年迄今圖救金陵分竄皖江南北又欲繞竄揚州裏下河以取遠勢此時我軍進偪蘇州若攻勦過急則或挈衆來援或另圖竄踞均屬意中之事此其可慮者三也惟是

江皖浙東各有重兵堵截鮑超與曾國荃所派
各軍連復巢縣含和已偏至江浦浦口其另股
竄至天長揚州者飢疲實甚都興阿吳棠等果
能竭力堵守不使竄入裏下河鮑超等再速克
二浦扼斷北賊過江之路則各軍分投剿辦較
易收拾此其可幸者一也李秀城李侍賢分踞
蘇浙自見挫於官軍各路損傷不下數十萬其

精銳已不甚多各軍攻奪不下數十城其膏腴亦去其半蘇浙各賊惟嘉興陳炳汶一股較多而悍現有蔣益澧扼其前臣軍綴其後常州無錫直接金陵東壩賊援甚廣深入頗難但使我軍穩進得寸得尺毋再失機亦可徐圖制敵此其可幸者二也臣軍水陸添募及收撫各城降衆已踰四萬督臣曾國藩以蘇郡可圖太湖可

進又派總兵李朝斌統率太湖水師十營剋日
下駛現擬由崑山進蘇州爲一路以程學啟所
部陸軍當之由常熟進江陰無錫爲一路以李
鶴章劉銘傳所部陸軍當之提臣黃翼升督帶
淮揚水師各營往來調度常勝軍移紮崑山專
備各路援應由泖澱湖進吳江平望太湖爲一
路李朝斌水師當之以上三路皆欲規取遠勢

以翦蘇州枝葉而後圖其根本又恐分路並進
杭嘉湖各賊繞竄浦東窺撲松滬復派道員潘
鼎新帶所部八營扼紮金山衛編修劉秉璋帶
所部七營扼紮涿涇副將楊鼎勳帶所部五營
扼紮張堰以防內竄俟浙軍得手卽相機前後
夾剿據程學啟稟稱該總兵在陽澄湖迎擊賊
船擒馘千餘仍卽日移紮大小官塘及外跨塘

一帶李鶴章稟稱業將常熟略國忠降衆編立
八營分置防剿並會各軍進紮常熟西三十里
之王莊探明前面賊營由顧山至無錫城外連
互不絕係僞漳王僞潮王僞侍王帶領賊衆六
七萬希圖抵禦擬併力兜擊再與黃翼升劉銘
傳等規復江陰又據常勝軍稟稱已雇齊小輪
船或協攻吳江或協剿無錫冀斷各賊援蘇之

路臣惟有密飭諸將穩慎以圖互相援救以固全局

同日浙江巡撫曾國荃奏言去年正月臣補授浙江臬司臣兄國藩以一家受

恩過重密陳金陵未克不再

加恩臣家迨二月閒又蒙

恩擢授江蘇藩司臣兄弟交相敬懼茲復仰荷

恩命躋之開府臣本無學識又乏積勞自顧區區曷克勝任雖蒙

聖慈曲諒仍留金陵軍營不必親辦浙事惟巡撫不到本任近年並無成案

皇上破除定例自有權衡然前此以兄弟而免其迴避今以疆吏而不令履任異數不可以頻邀非分不可以屢竊溯查咸豐十一年彭玉麟擢授

皖撫以統帶水師不能到任累疏陳請開缺卒
蒙

允准臣今駐軍金陵遙領浙撫尤覺難安合無仰懇
聖恩收回

成命准以開缺藩司專辦金陵軍務如使堅城果克
元惡就誅屆時

恩綸下逮臣亦不敢以德薄能鮮爲辭均奏入

上命議政王軍機大臣傳諭曾國藩李鴻章曾國荃
都興阿富明阿吳棠曰覽曾國藩兄弟所奏實屬
發於至誠惟朝廷懋官懋賞當此艱難宏濟之時
尤貴因材器使曾國藩等總當一意進取以奏膚
公毋許固辭李鴻章所籌三可慮二可幸及調派
程學啟等軍以剿爲堵並防內竄均極妥協卽著
督飭程學啟李鶴章等穩紮穩進以圖萬全常勝

等軍尤宜妥爲調度策應江南浙滬各軍日圖進
取曾國藩前奏克復巢縣後擬進攻江浦及九洑
洲之賊諒南岸竄匪不得復行偷渡其由巢含竄
至天長揚州之賊多半飢疲著都興阿富明阿吳
棠等督率諸軍竭力堵守勿使竄擾裏下河一帶
曾國藩督令鮑超等軍速克二浦絕賊過江之路
則南北岸之賊勢成中斷各軍分投勦辦當必所

向無前較易爲力也

上諭內閣曰曾國荃自統師南下以來屢復沿江名城要隘駐軍雨花臺連破逆壘與彭玉麟鮑超等規取金陵朝廷以曾國荃勲績卓著擢授浙江巡撫令仍統前敵各軍駐紮雨花臺一意進取論功行賞國家自有權衡茲覽曾國藩及該撫所奏深以金陵未復兵頓堅城該大臣兄弟異數頻邀弗

克負荷爲慮現在軍事方面凡在臣工正宜黽勉
效忠共期宏濟該大臣惟當督率曾國荃忠誠報
國以副委任正不必瀆辭朝命也

二十七日 壬申 都興阿富明阿奏言查髮捻等匪

遁踞江浦二口恃九洑洲爲負隅之固臣等當
飭統領梁正源督率礮划駛赴沙漫洲隨時策
應適值金陵雨花臺逆壘爲曾國荃踏毀忠逆

帶隊渡江援助經梁正源截擊於寶塔根賊遂
敗竄當又飭梁正源扼定要隘斷其援路使該
逆不能相顧嗣聞曾國藩派出皖省水陸各軍
陸續東下彭玉麟楊岳斌鮑超等進攻江浦二
口九洑七里等洲其江浦二口各城於本月初
九日攻破七里洲於十二日攻破九洑洲於十
五日攻破臣等據梁正源稟稱十二日會同楚

師礮划督帶所部礮划三板等船駛至中關下
關七里洲與楚師聯絡猛攻當將七里洲賊壘
二座焚燬賊衆奔竄並連燒大小賊船六十餘
隻擊沈三隻砍斃賊逆數十名落水死者不計
其數逆衆向中關回遁當將下關七里洲一律
克復十五日梁正源探聞楊岳斌從九洲後
面進攻上游礮划半由二家溝進當督帶礮划

並都司劉連陞等各駕三板駛赴九洲會同
楚師攻入賊壘賊衆奔向江濱砍殺賊目多名
其落水淹斃者不可勝數楚師遂將九洲賊
巢一律踏毀又據總統水師吳全美稟稱江陰
之賊逐日出擾經吳全美率帶礮船至江陰黃
田港口堵遏賊見我軍突至出城來拒其西門
復出賊二三千人意圖撓截吳全美飭令總兵

李起高等由西路迎擊斃賊極多賊退入城我軍乘勝追趕直薄城下當將西北兩路賊卡三座次第焚燬臣等查現在南岸及上游正當攻勦得手沿江水師尤宜防賊竄渡稽查奸匪不容稍涉大意臣富明阿於二十一日隨帶親軍小隊前赴下游靖江一帶察看情形以期周密都興阿又奏言臣質稟微弱本有肝氣舊病咸

豐五年又在馮官屯夜戰身受矛傷四處氣血
虧損舊病因之日甚若得專心攝養尙可望痊
茲幸富明阿到防軍民人等皆以得所倚恃爲
幸其精明老練振作有爲勝臣何止十倍現在
九洲各要隘均經克復江北防務稍鬆用敢
瀝懇

逾格鴻施准臣開缺回旗趕緊調治儘能舊疾痊愈

當再求

賞差使奏入

上命議政王軍機大臣傳諭曾國藩都興阿富明阿
曰曾國藩前奏鮑超等軍追賊已至江浦飭令攻
克二浦後卽進攻九洑洲茲據都興阿等奏江浦
浦口七里洲及九洑洲均已攻破官軍敏速如此
都興阿等所奏諒係實情曾國藩奏報已否在途

著卽將詳細情形迅卽馳奏都興阿等摺內所稱
忠逆帶隊渡江援浦爲梁正源截擊於寶塔根賊
遂敗竄現在竄往何處下關七里洲之賊向中關
回遁其九洑洲踞賊溺斃之外是否尙有餘匪紛
竄均須確切查明妥籌堵剿會國荃榮將雨花臺
賊壘攻克茲九洑洲等要隘又爲鮑超等乘勝掃
除金陵勢成檻穽其機大爲可乘應如何相機進

檄及會商左宗棠李鴻章進攻蘇杭使賊應接不暇以圖進取之處曾國樞等諒必成竹在胸惟窮寇必思鋌走江路水陸寬廣備禦宜嚴裏下河一帶尤應嚴密設防吳全美所領師船擊賊於江陰之黃田港能否卽與由滬派出進攻江陰各軍會合攻檄著曾國藩都興阿等於南北兩岸分飭各軍乘機妥辦此時富明阿旣赴下游揚營堵剿喫

緊都興阿何可以舊疾復發遽思卸肩著俟富明
阿回營後賞假一月在營調理軍務正在得手該
將軍雖在營養病仍當督率所部各軍嚴密防剿
毋稍鬆勁

二十八日癸酉多隆阿奏言查漢中現在情形粵

逆蔓延必須謀勇兼備之將統兵調度方於軍
務有裨前奉

諭旨令郎中李雲麟督辦漢南軍務臣查該員前在安徽軍營曾隸臣部下心浮膽怯言大而夸其性情才具實非將將之才一旦遽膺統率之任深恐因而僨事頃奉

諭旨知李雲麟現在丁憂

聖恩賞假兩月令其回旗穿孝漢南諸軍暫歸道員張由庚統制深爲慶幸張由庚能否勝任臣必

詳加察訪隨時奏

聞現在臣軍由渭水南北兩岸進剿勢難兼顧漢中
一俟此閒得手後如該處軍事辦理尙未就緒
自當遴選得力統兵大員前往接替奏入

上命議政王軍機大臣傳諭官文駱秉章嚴樹森曰
李雲麟疊經官文嚴樹森厯次保奏駱秉章亦謂
李雲麟可以獨當一面自應確有見聞茲據多隆

阿奏稱李雲麟曾隸該將軍麾下所奏必非無因
誠恐其才或僅任偏裨未必能勝督辦之任現在
漢中一帶粵逆蔓延多隆阿由渭河南北兩岸進
剿勢難兼顧若統兵調度不得將才糜餉老師必
致復蹈毛震壽故轍著官文略秉章嚴樹森迅將
李雲麟性情才具若何是否堪膺統帥迅卽切實
馳奏無得以保奏在先稍涉含混儻該員將來貽

誤事機必惟該督等是問如李雲麟曾經親歷行
閒著有成效仍應據實奏聞亦不必因多隆阿此
奏稍涉遷就